

閩都記卷之八

郡人 王應山 纂輯

郡城東北隅 侯官縣

自譙樓折而東為莊嘉公祠陰陽學金鼓房斷事司都指揮使司右衛指揮使司屯鹽道芝山開元寺靈山堂

莊嘉公祠祀元宣慰使莊嘉公今為里社 有元碑立祠中

陰陽學隸福州府訓術一員

金鼓房朝賀操練取旗鼓響器於此

斷事司宋試院地司都閹獄事經歷都事列署東西其北為獄有吏目廳

卷八

求放心齋

都指揮使司宋試院地元為福州路總管府 國朝洪武初改為福州衛八年更為福建都指揮使司駙馬都尉王恭闢而新之經歷司在正堂東旗纛廟在後堂北祀火雷六纛之神霜降放炮於此

福州右衛指揮使司元福州路總管府司獄司故址 國朝洪武八年二十四年建經歷司鎮撫廳左右中前後中左六千戶所俱隸衛

屯鹽道在芝山之陽正德初建後堂北有宇 學憲田汝成

記

芝山屏山之支也與靈山聯屬歷代營建鏈鑿殆盡開元寺法

堂後微存岡阜

開元寺在芝山之南其地舊隸懷安今屬閩縣梁太清二年建寺曰靈山尋改大雲唐初更隆興開元二十三年更今名復扁其門曰芝山會昌中汰天下寺州存其一卽此北宋天禧中災慶厯二年合開元莊嚴二寺地重建 國朝爲祝聖之所南有亭石柱十六亭之南爲靈源閣廊東西有鐘鼓樓其東平懷堂後唐同光初爲太平寺閩王審知建以銅三萬觔范彌陀像于靈芝二山之麓下有古井深不可測糜金銀萬餘兩爲四藏經各五千四十八卷翁承贊撰銘又造木塔七層宋時屢災併入開元 唐周朴開元寺詩開元寺裏七重

卷八

二

求放心齋

塔遙對方山影擬齊雜俗人看離世界孤高僧上覺天低惟堪片片紫霞映不與濛濛白霧迷心若無私羅漢在參差免向日虹西 明王恭題冶城開元寺城裏青山聞梵音靈源高閣影沈沈鳥邊祇樹人烟近象外雲花野照深苔色滿廊行履迹月明空界印禪心自憐人代多氛垢未得焚香禮遁林 張潛開元寺偶入菩提門徙倚靈源閣擡頭眼境寬適意胸襟廓四山當衽席千里在掌握金容照寰宇璇題俯城郭影移霧刹幢聲落風簷鐸霜林出斷鴻霞空送孤鶴嶽峙天齊年海晏民同樂吾人大化中內觀須不作 汪文盛開元寺納涼佛 明珠海慈雲起鷺林禪超三乘悟閣抱四天

陰劫外緣無了風前樂自唵萬山遶閩粵豺虎只徒深

文盛湖廣

崇陽人嘉靖初知福州

邵傅避暑開元寺三伏城中寺靈源寶閣

客來能幾度芝化已千秋松徑風濤入蓮池水月留翻嫌河

朔飲未卜此巖邱 吳國倫過開元寺芝林歇馬叩文殊貝

闕陰陰復道紆遶院風燈搖罔象半山羽蓋擁浮屠晉安城

郭千花簇蓬海烟沙一雨驅只訝諸天常不夜摩尼隔水弄

明珠

國倫興國州人知邵武府

郭子章開元寺空境凌空勢欲齊萬家

烟火引招提海澄定水潮常寂山浴慈雲瘴不迷石鼓遙臨

仙梵迥靈芝倒跨堞樓低禪樓市隱囂塵絕白社何勞問虎

溪 趙世顯開元寺結侶恣躋攀空門俯市闐秋聲搖翠竹

卷八

三

求放心齋

爽氣溢蒼山樹杪諸天靜雲邊獨鳥閒幽懷耽木石逸思出

塵寰日落孤城紫烟凝萬井般漫餘山簡興倒載月中還

靈山堂在芝山之東舊爲開元寺經院有僧綱司嘉靖間高侍

御世魁丐爲別館後入方序班增構亭榭侍御沒未五十年

已數易主 明汪文盛過經院讀鄭繼之壁間詩瘴雨炎蒸

午未深斜穿曲徑過禪林靈山日傍孤城轉閩海雲生廢殿

陰苦憶舊遊誰在眼讀殘新刻倍沾襟抱琴那有鍾期想掛

劍徒懸季札心 林炫飲靈山堂高適夙抱烟霞興別業新

開山水奇洞口仙人騎白鹿峯頭童子采青芝晴雲起石斜

依戶春水滋花細入池萬卷悠然堪習靜紅塵車馬任奔馳

朱豹次韻寂寂山堂帶梧竹疎廉小簾故清奇晴雲出池
繞蒼石老鶴穿花銜紫芝招隱自甘黃蘗酒濯纓何負白鷗
池眇予亦起滄洲興慚愧紅塵駟馬馳

豹上海人嘉靖中福州知府

袁

達次韻高人住得靈山好坐覽晴峯天際奇簪盍芳筵驚白
髮歌迴空谷踏青芝柔絲牽樹連行逕新潦流花入曲池作
客況逢梁苑賦掛壺何厭鹿車馳 高世魁次韻誅茅結屋
隨吾意籜帽荷衣豈好奇窗外晴雲長護竹巖前春雨生
芝却慚杜老開花逕願學山公醉習池莫許烟霞近成癖從
來助力怯驅馳 黃用中靈山燕集窈窕薜蘿叢峻嶒一徑
通如何蓬島勝宛在市塵中深篠時藏月高林晚度風方干

卷八

四

求放心齋

有清隱那更賞心同 袁表靈山堂雙林別有春一逕迥無
塵曲檻花留客空山月近人興隨青草洽歌逐紫芝頻余亦
耽奇者脩然願卜隣 林世吉和地僻攢山勝門閒避俗喧
烟霞深鎖徑松竹靜交軒巖翠寒披席林香晚撲尊幽情同
戀賞不畏日黃昏 陳椿靈山避暑勝地重來愜賞心捫蘿
與客眺層岑山當睥睨千峯起路入祇園一逕深古木凌風
驅伏暑懸巖飛靄變秋陰狂歌不但誇河朔還有清譚似竹
林 徐燠夏日靈山堂避暑灌木陰中共倚欄飛來蒼翠落
簷端滿林花雨諸天近六月松風一座寒鳥入亂雲翻影滅
蟬當斜日送聲殘相逢正有淹留興其奈疎鍾報夜闌

自開元寺折而東爲寶泉局福州左衛三山樓福州中衛
獅橋慶城寺忠懿境井樓門街王勝宅北斗堂七穿井懷
北社學延善庵貢院凌雲臺

寶泉局萬曆五年奉 旨鑄錢以舊兵營及芝山寺餘地置局
三山樓宋時建在子城東南今廢其下爲長利橋俗呼剃刀橋
福州左衛宋薦福寺經院地元時廢至正中改建勉齋書院

國朝洪武中創爲右衛內經歷司鎮撫廳左右中前後中左
六千戶所俱隸衛

福州中衛宋太平寺地 國朝洪武中創爲左衛經歷司鎮撫
廳左右中前後五千戶所俱隸衛

卷八

五

求放心齋

都尉營在開元寺東直巷內吳置典船都尉王綱徒作船於此
今爲民居

獅橋在壽寧坊之南又有經院前橋延慶橋在獅橋東西百步
許

慶城寺本王延義宅晉天福七年捨爲永隆金身羅漢院
符三年賜額并高麗銅佛像又二石筍小木塔俱高麗所獻
今廢

忠懿廟本王審知故宅在慶城北有唐季侍郎于兢 撰瑯琊
王德政碑宋錢昱祠碑宋時錢氏納土詔賜祠故宅塑都押
衙程贊孟威等配享歷代以來每歲有司必牲醴取祠下土

爲春牛萬厯二十九年有 詔脩理先代帝王祠墓王裔孫
諸生一騰請之兩臺捐公帑重建時轉運副使臨海王亮以
苑馬卿謫閩亦王裔孫力襄厥成春秋祭如漢閩越王例
明葉向高忠懿王贊有貌紫光有髯戟張惟忠懿王王來蒞
閩閩壤荆榛孰開其屯王乘白馬大旗蔽野閩山之下父老
來迎壺漿縱橫我父我兄兇除穢闢綏我衽席施及蠻貊大
貝南金臣節弗淫帝鑒乃心豐碑突兀作鎮閩粵甘棠勿伐
王子王孫椒聊衍蕃代高其門王澤悠悠王貌茲留賁丁干
秋 明徐燧元夕詩慶城燈燭夜輝煌照見豐碑字幾行此
是先朝湯沐邑年年歌舞祭閩王 曹學佺謁忠懿王廟翔

卷八

六

求放心齋

鷗祠貌古磔獸石文斑作鎮猶茲土招魂自故山文章窺逸
韻戎馬得愁顏一代興王地惟存梵宇間
井樓門街在壽寧坊獅橋北

王勝宅在井樓門勝合肥人爲福建海道都闕占籍右衛事母
甚孝 詔旌其門

北斗堂永樂六年建今廢

七穿井在井樓門之西城樓因以得名

延善庵在平山下

懷北社學在貢院之東南

貢院在將軍山之北舊錢局地宋時文場在今都司

國朝

洪武中布政薛大昉改建于城南郡學之北今南察院地成
化七年移今所翰林學士柯潛爲記其時門巷由麗文坊入
甚湫隘正德季年市民居闢新衢里許有橋曰青雲萬曆四
年册封使者寓宿不戒于火越明年重建巡撫都御史耿定
向記至公堂鑑衡堂監臨臺藩臬署明遠樓瞭高樓俱在院
內 明林爓貢院新成沈吳二方伯邀飲使節雙瞻下赤霄
新開文苑倚岩堯炎蒸三伏披襟快蒼翠千山對酒遙方岳
虞廷咨舜舉譽髦周士佇賢招澤宮回首他年忝老去扁舟
媿聖朝 陳文燭中秋明遠樓翫月棘圍何幸得追陪綺席
驪同月夜開影倒河山多景色寒迴星斗見樓臺九仙寶鑑

卷八

七

求放心齋

窺簾細三島驪珠遶座來把酒揮毫光萬丈懸知獨有子雲
才 王世懋和高薨面面絕飛埃鎖棘惟將匣鏡開忽有天
香飄桂子更疑霜色上莓苔臺烏繞栢中宵動海蚌含珠並
月開閩越賓僚盛今夕登樓獨讓庾公才 吳國倫閩闈校
文棘院藜光徹曙明桂宮秋色海天清函書競奏三千牘比
玉誰連十五城不分胥臣能薦士肯令毛遂晚知名周家典
禮賓興重此日岐山正鳳鳴

凌雲臺在貢院北冶山之麓舊爲龍王廟

自衛巷折而北爲分巡道都督府東山樓城隍廟會稽亭
襍遊堂佚老菴歐冶池小古樓火器庫乾元寺兵備道緩

帶樓諸古嶺華林寺越王山武備庫止戈堂越峯羅漢院
佛菴越山菴嚴勝門嚴公祠

衛巷在屯鹽道右衛之中

分巡道在冶山之麓

都督府在將軍山之西本指揮錢貴宅後創軍器局今為清軍

御史公署稱東察院 國朝嘉靖四十三年總兵戚繼光建

牙於此委巷內建坐營司

東山樓宋時建在今麗文坊宋守元絳更東泰門為康泰剏樓
其上面東山故名今廢

城隍廟在越王山之東威靈坊內晉太康遷城建廟今所宋紹

卷八

八

求放心齋

興淳熙作更衣肅儀二亭元季亭燬 國朝洪武二年誥封

鹽察司民威靈公十七年罷封號稱福州府城隍之神萬曆

十年門廡災尋即葺治附郭二縣不別立廟按宋林通長樂

圖經城隍神乃漢御史周苛為項羽所烹高祖思苛忠烈令

天下郡縣立廟祀之

將軍山在貢院西南一名冶山又名泉山閩越故城即此宋治

平圖曰泉山熙寧圖曰將軍山唐刺史裴次元於其南闢毬

場即山為亭勒二十詠曰望京山觀海亭雙松嶺登山路天

泉池翫琴臺筋竹巖枇杷川荻蘆岡桃李塢芳茗原山陰亭

含清洞紅蕉坪越壑橋獨秀亭篔簹砌八角六盤石椒白土

谷各爲詩題亭壁又有漣漪亭東陽坡分路橋乾岡岑木瓜亭石堤橋海榴亭松筠陌夜合亭而裴次元望京山詩云積高依郡城迥拔凌霄漢其時山高峻故有望京之名薦經營拓試院開鑿所存惟山骨耳

會稽亭在佚老菴之西宋嘉祐間郡守元絳建

佚遊堂在將軍山下巔有九曲池歲上巳日郡人修禊于此宣

和五年提刑俞向移歐冶亭材于是堂之東建東蘭堂今並

廢流觴池尙存
今入民居

佚老菴在流觴亭西北宋嘉祐八年郡守元絳建後更隱几又名淨名今廢

卷八

九

求放心齋

歐冶池越王鑄劍處唐元和十四年置院名劍池院池周迴數里或大風雨波濤晦冥僧惟鑿濬池得刀鏤諸物送武庫冶竈猶有在竹林中者今院廢池亦堙塞所存無幾池西舊有歐冶亭今廢 宋黃裳歐冶池人隨夢電幾回見劍逐雲雷何處尋惟有越山池尙在夜來明月古猶今 明張時徹劍池燕集若耶溪上草堂幽仙侶雲中彩鷁遊繞鏡星河翻不定近人螢火散還流椒漿琥珀春無賴羯鼓魚龍晚共愁巖畔紫芝開幾許與君今夜泛瀛洲 又集劍池石徑緣青嶂朱筵敞翠微采蓮牽水荇移舫亂雲衣夜引鳧鷖入秋生斗柄輝塵纓聊暫濯容與澹忘歸 王應山歐冶池懷古昔聞

歐冶子鼓鑄凌飛翰芙蓉吐精英池上生巖寒千載委塵大
猶指斗牛看神物終合并一躍雙龍蟠伊子夙懷寶際時良
獨難遭逢出漢表棄置在河于願言愛景光努力且加餐
利澤廟在歐冶池之南宋紹興四年有龍晝見池中郡爲立祠
乾道二年參政王之望以禱雨應爲請於朝賜額今廢
懷東社學在將軍山之南今爲豪右侵沒

小古樓未詳何取繚繞委巷民居鱗次

右衛軍器庫先爲成造火器局

乾元寺本無諸舊城晉太康遷城以爲紹因寺唐乾元三年防
禦使董玠請賜更今名有琴石爲越王鼓琴處金雞井卽越

卷八

十

求放心齋

王井也嘗有金雞現異牧羊兒見之投以石聞雞聲不絕後
不復見飲馬池亦越王舊蹟福州佛寺最多惟此一寺爲最
古今爲衛卒姚姓侵沒其址爲園池延袤里許議者謂宜興
復未逮也 明王聰詩屠龍人去山河改衰草寒鴉起暮愁
兵備道舊爲清軍道

諸古嶺在越王山之麓俗呼猪姆嶺委巷縱橫

緩帶樓在子城之西淳熙三年剏又建超覽亭今廢

越王山週迴數里半蟠城外閩越王建都于山之東南故名一
名屏山又名平山有環峯亭宋光宗御書有絕學寮丞相張
浚讀書其中今廢 國初築城剏樣樓山顛上祀真武今更

名鎮海有翠濤亭以萬松名 宋李觀越王山臘後梅花破

碎香望中情地轉淒涼遊山只道尋高處高處何曾見故鄉

陳襄和程公闢越山亭荔子園林海日邊幽亭更在碧雲

巔江山舊是無諸國樓殿今爲極樂天五馬知君多暇少一

樽惟我共遊偏須知白首留連意已有新詩寄北船 元薩

天錫越王山粵王故國四圍山雲氣猶屯虎豹關銅獸暗隨

秋露泣海鴉多背夕陽還一時人物風塵外千古英雄草莽

間日暮鷓鴣啼更急荒苔野竹雨班班 明林真越王臺屠

龍人去幾時歸空有高臺對夕暉回首舊時歌舞地年年春

草鷓鴣飛 林瀚越王臺懷古乘閒獨上越王臺滿目興亡

卷八

十一

求放心齋

事可哀宋主行宮惟綠草考亭舊業半蒼苔樓船東去家何在雲谷春深花自開山色不知風景異還從江上送青來

劉鳳集鎮海樓遠開雄勝業神樓襟帶河山表八州海上翔

螭窺井幹雲間雙鷓鴣亂城頭風驅暝色川原盡日汎長霞島

嶼浮形勝從教誇虎據豪華滿目付江流 王杲越山暑飲

茲山萃靈秀我友共招尋劇飲非河朔高談自古今松風生

翠浪蘭馥散幽襟郢雪憐同調炎歎幸不侵 曾仕鑑登樣

樓無諸城北樣樓開萬井烟花拂檻迴化鯉代遙仙觀在釣

龍人去霸圖灰海通南越天邊盡山引東甌樹杪來日暮思

鄉更懷古水雲迢遞獨登樓 趙世顯集越王山君不見越

王全盛時秉圭開國稱雄奇都城百雉連雲起宮殿峩峩俯
江水甲第參差十萬家提封連亘三千里形勝豪華那可
須與城闕變邱園白雲秋色含荒壠細草輕烟拂斷垣茫茫
天地何紉極古往今來空歎息休論滄海與桑田且把金尊
對山色與君共醉越山頭越鳥翩翩越水流極目中原天萬
里狂歌飛過海雲秋 車大任登鎮海樓粵王山擁海潮流
山上峩峩鎮海樓花月平臨關塞晚松風長送郡城秋遙天
鴈斷蒹葭冷絕島鯨翻鼓角愁更是何人能借箸東來保障
拱皇州 王毓德九日登鎮海樓詩社仍開九日樓松聲寒
瀉白雲秋日窮萬里瞻天遠身陟千盤覺地浮紫霧花間銜

卷八

十三

求放心齋

雉堞滄江樹杪落漁舟登高載筆俱同調不說龍山是勝遊
喻應益登越山遙天海色滿高邱歷歷山川城上頭選地
得幽如在野望春宜遠更登樓千村景駐林花霽三市烟和
井樹浮無復閩王遺蹟在空餘松老不知秋

應益江西
南昌人

華林寺舊名越山吉祥禪院無諸舊城處晉太康三年遷新城
遂虛其地宋乾德三年吳越錢氏臣鮑脩讓爲郡守始創寺
後增數寺併入華林西廊有轉輪經藏今圯東廊有文昌祠
普陀巖正殿之後爲法堂法堂西祖師殿以越王山爲斧辰
明王應山華林寺避暑琴尊酬夙約選勝入旃林蘭馥通
禪味松濤接梵音諸天同水月一片共冰心卽此俱爲樂炎

蒸迥莫侵 曹學佺華林寺看梅路迴城北思淒淒寺倚屏
山信杖藜疎雨不曾妨客入閒雲元自任僧棲參差蘭若香
分逕高下松根翠作梯祇惜梅花飛欲盡不知春色在桃谿
王毓德華林寺贈二禪師寶刹越城邊千花繡佛前翻經
同白晝持戒各青年燈影散疎雨鍾聲寒暝烟更憐階樹古
蘿薜斷仍連 徐焞華林寺越山一片削芙蓉同扣禪扉紫
翠重茶竈遠攜燒落葉蒲團分坐選深松危城半倚高低石
宿靄全迷縹緲峯爲惜春光今日盡淹留應到夕陽鐘 鄭
邦祥秋日過華林寺素竹滿空山商飈下枯籜物散心亦閒
尋僧坐幽閣香定石磬孤雨濕秋雲落地僻行人稀微煙隱

卷八

十三

求放心齋

虛薄 安國賢華林寺攜得芒鞋與竹筇相將選勝越王峯
當時歌舞三千盡故國山河百二重載酒高臨雲裡閣敲詩
斜倚石邊松浮生一任春歸去取醉閒行聽寺鐘

止戈堂舊安撫廳架閣庫之北宋元豐四年郡守劉瑾建東西
北列甲仗庫建炎四年建州寇范汝爲猖獗福州守程邁乞
師于朝詔叅政孟庾少師韓世忠率禁兵討平之飲至于此
更名其堂曰止戈云宋李綱甌粵銘相彼甌粵民俗剽悍負
氣尙勇輕生喜亂巨盜挺之蜂附蟻從曾未期年同惡內訌
王師之來如雷如霆討叛舍服千里震鳴鋒蝟斧螭猶敢強
拒轉戰逐北嬰城自固怒其齷齪以抗裔獄翹其萌芽以激

霜電肥牛債豚一舉碎之宥彼脅從戮其鯨鯢兇徒逆儔尸
相枕藉浴爾甌民自今以往愛育子孫尊君親上焚爾甲冑
折爾甌兵服勤耒耜以保爾生孝慈以忠砥礪名節勒銘山
阿敢告耆耄

綱邵武人以故
相謫居福州

李彌遜題止戈堂不識威名

擅漢廷雲仍今復見材卿萬家桃李栽培盛千里妖氛却掃
清羽扇綸巾聊自適風聲鶴唳已魂驚向來雪鏑橐藏
築詩壇按酒兵 一麾局促楚江東時喜隣藩好信通坐厭

文書朱墨裏靜思談笑聖賢中浮甌小試茶膏白照眼分嘗
荔子紅想見高堂散鳧鷖競追樂事賞年豐 朱松止戈堂

高堂巖巖面勢尊洞見萬井開重門元戎務簡玉帳靜緩帶

卷八

十四

求放心齋

酌客娛朝昏憶初餓隸起篁竹一嘯千里來黥髡將軍攬鎗
媚巾幗何異搏虎驅狐豚只今休父八州牧身佩重寄憂元
元驚塵錯莫羽書密雖有美酒誰同樽沈機且復長轡御瀝
懇何啻血肉論樓船一夕飛度海漢家上將來天闈狂童束
手赴烈火雕戈不污妖血痕坐礁飲至凱歌入船粟往哺遺
民存五兵包裹高閣束止戈新榜真成言便當頻與方外吏
徙倚風月星河翻幾年牡籥飛不守河濟逆氣腥乾坤知公
快挽天河手坐視黠虜方遊魂權輿閩越聊小試宜復久此
淹遐藩農桑萬里望公等願見四海無營屯

松葵
源人

武備庫在華林寺西 國朝宏治四年建儲三衛戎器僉憲司

馬西記

越峯羅漢院宋建今廢

叫佛菴在越王山之麓 國初建 明陳椿憇叫佛菴蕭然古

刹傍城栖茗椀匏尊爲客攜半榻松風朝市遠一簾花雨景

光迷山當絕處多猿穴路出前林卽虎谿妙悟由來歸白社

試將真訣石間題 徐燊和城北青山喜共尋一樽閒憩小

祇林花飄法雨參差影松捲驚濤遠近音梵刹暗隨斜日轉

僧房長鎖暮雲深空門自與紅塵隔相對偏宜靜者心 安

國賢過叫佛菴信步過祇林苔痕屐齒侵烹茶燒竹葉選地

坐蕉陰樹靜聞虛籟雲歸見定心支郎能愛客從此日追尋

卷八

十五

求放心齋

越山菴舊華林淨室萬曆二十八年募緣重建 明徐燊憇越

山菴淨室翠峯前經臺怪石邊竹繁刪幾畝松老種何年破

衲披林靄殘鍾出嶺煙淹留忽彌日閒坐又閒眠 陳鳴鶴

集越山菴半畝精廬傍越山荔枝林掩坐禪關鳥隨花雨閒

經下僧在繩牀入定還歐冶池塘煙靄外無諸宮殿薜蘿間

白蓮結社休歸去纔出空門便不開 謝肇淛集越山菴嚴

城高控萬松間草結團瓢竹映關一片落花林外路數聲啼

鳥雨中山僧來共證三生果客過時偷半日閒霸業消沈王

氣盡寒雲空逐夜鐘還 安國賢越山菴勝侶追隨到碧山

偶尋支遁叩禪關滿林竹氣侵衣濕一逕苔痕印屐班黃耳

忽驚遊客至白雲長伴野僧閑淹留共話無生偈日落前峯
尙未還

嚴勝門梁時城門在子城北隅由平山東折而南逾二十尋今
城屢拓門亦不存劉宋時有嚴勝者居邇于壕家鬻米取贏
甚薄時方憂旱太守夜夢神告之必得如嚴勝使禱羅致之
果三日雨遂以名其城門

嚴公祠鄉人建祀嚴勝 國朝洪武三年都指揮秦藝叅政王
純以旱禱于神甘澤大澍撤舊廟而新之郡人陳珪爲記今
廢